

## ЖАС ҚЫЗ

Қайғыландың, зарландың,  
Ісінді тастап мұңайып.  
Ойнамайсың, ойлайсың,  
Күлкіге салды кім айып?..

Жалғыз қалсаң бір үйде,  
Өзінді-өзің жылаттың.  
Мөлдіреген көзінді  
Қайғылы жаспен бұлаттың.

Көп ойладың тыншымай,  
Түнде де кірпік қақпастан,  
Көзге ұйқы тығылып,  
Таң жарық боп атпастан.

Жаңа піскен алмадай  
Толып бір тұрған шағында,  
Жастық қызыған көрместей,  
Неге де сынды сағың да?

Қайғыға салды кім сені,  
Тыныштық жүзін көрместен,  
Ғұмыр бойы бітпестей,  
Ажал жетпей өлместен?

Ерініңді қозғалтып,  
Қай жауызды қарғайсың?  
Сені бүйткен бейбақтың  
Санадан жүзі сарғайсын!..